

Ի գիտություն

Հուղարկավորության կազմակերպումն իրականացվում է մահվան վկայականի հիման վրա:

1. Մահվան վկայականի տրամադրում

Մահվան վկայականը տրվում է քաղաքացիական կացության ակտերի գրանցման մարմինների կողմից՝ դիմումի հիման վրա:

Հասցեն՝ Արշակունյաց 18, թիվ 1 և թիվ 2 սենյակներ, հեռ. 524282: Գրասենյակն աշխատում է ամեն օր:

Աշխատանքային օրերին՝ ժամը 9.00-16.00, շաբաթ և կիրակի օրերին՝ ժամը 9.00-13.00:

Մահացածի մարմնի հերձման դեպքում մահվան վկայականը տրվում է Հայաստանի Հանրապետության կառավարության 2000 թվականի նոյեմբերի 6-ի թիվ 715 որոշմամբ սահմանված կարգով՝ մահվան պատճառի մասին պաթոլոգաանատոմիական կենտրոնի կողմից անվճար տրված եզրակացության հիման վրա:

Առանց մահացածի մարմնի հերձման՝ մահվան վկայականը կարող է տրվել մահվան պատճառի մասին եզրակացություն տվող բժշկի տեղեկանքի հիման վրա:

2. Գերեզմանատան ընտրությունը

Գերեզմանատան ընտրությունը կատարվում է համաձայն Երևանի քաղաքապետի 29.09.2008թ. թիվ 4389-Ս որոշման՝ «Բնակչության հատուկ սպասարկում» ՊՓԲԸ-ում:

Հասցեն՝ Արշակունյաց 18, թիվ 4 սենյակ, հեռ 521644:

Գրասենյակն աշխատում է ամենօր. աշխատանքային օրերին՝ ժամը 9.00-16.00, շաբաթ և կիրակի օրերին՝ ժամը 9.00-13.00:

3. Գերեզմանատեղի ընտրությունը

Գերեզմանատեղը տրամադրվում է հուղարկավորության կազմակերպումն ստանձնողի կողմից արդեն իսկ ընտրված գերեզմանատանը:

Բոլոր գերեզմանատները աշխատում են ամեն օր ժամը 9.00-17.00՝ առանց հանգստյան օրերի:

Մահացածի մարմինը (աճյունը) հողին հանձնելու համար անվճար տրամադրվում է գերեզմանատեղ՝ 2.5 քառ. մետր մակերեսով (2.5 մ x 1.0 մ): Ընտանեկան գերեզմանի համար անվճար հիմունքներով տրամադրվում է առավելագույնը 12.0 քառ. մետր:

4. Հուղարկավորության կազմակերպումը

Մահացածի հուղարկավորության կազմակերպումն ստանձնողը «Բնակչության հատուկ սպասարկում» ՊՓԲԸ-ին (հասցեն՝ Արշակունյաց 18) ներկայացնում է հուղարկավորության կազմակերպումն ստանձնելու մասին սահմանված ձևով գրավոր դիմում (հայտարարություն),

մահվան վկայականը և առաջարկություն հուղարկավորության տեղի վերաբերյալ:

«Բնակչության հատուկ սպասարկում» ՊՓԲԸ-ն հուղարկավորության կազմակերպումն ստանձնողի հետ համատեղ որոշում է հուղարկավորության տեղը, ինչպես նաև օրը և ժամը: Հանգուցյալի թաղումը կատարվում է մահվան պահից ոչ շուտ, քան 24 ժամ հետո:

«Բնակչության հատուկ սպասարկում» ՊՓԲԸ-ն, մահվան վկայականի հիման վրա, համապատասխան գրանցում է կատարում թաղումների և գերեզմանատեղերի գրանցման մատյանում և հուղարկավորության կազմակերպումն ստանձնողին տալիս է գերեզմանի վկայական:

Ընտանեկան գերեզմանի առկայության դեպքում գերեզմանատեղը հատկացվում է այդ գերեզմանի տարածքում՝ նախկինում տրված գերեզմանի վկայականի հիման վրա, որում կատարվում են համապատասխան գրանցումներ: Նշված գերեզմանի վկայականի բացակայության դեպքում հուղարկավորության կազմակերպումն ստանձնողին տրվում է գերեզմանի նոր վկայական:

«Բնակչության հատուկ սպասարկում» ՊՓԲԸ-ն հուղարկավորության կազմակերպումն ստանձնողին ներկայացնում է իր կողմից կատարվող՝ մահացածին հողին հանձնելու (գերեզմանի փորում, թաղման կազմակերպում, գերեզմանի կարգավորում, դիատար և այլ ավտոմեքենաների տրամադրում) և մատուցվող այլ վճարովի ծառայությունների ցանկը:

Նշված ծառայություններից օգտվելը կամավոր է:

Երևանի քաղաքապետարանի

«Բնակչության հատուկ սպասարկում» ՊՓԲԸ տնօրինություն